

## ՔԱՂՎԱԾՔ

ՀՀ ԱՐՄԱՎԻՐԻ ՄԱՐԶԻ ԳԵՂԱԿԵՐՏԻ ԳՅՈՒՂԱԿԱՆ ՀԱՄԱՅՆՔԻ ՂԵԿԱՎԱՐԻ  
2013Թ-Ի ԵՐԿՐՈՐԴ ԿԻՍԱՄՅԱԿԻ ԸՆԹԱՑՔՈՒՄ ԿԱՏԱՐԱԾ ԱՇԽԱՏԱՆՔՆԵՐԻ  
ԿԵՐԱԲԵՐՅԱԼ ՆԵՐԿԱՅԱՑՐԱԾ ՀԱՇՎԵՏԿՈՒԹՅԱՆ ԱՐՁԱՆԱԳՐՈՒԹՅՈՒՆԻՑ

Քննարկումը տեղի է ունեցել գյուղապետարանի դահլիճում, որ սկսվել է 2014 թվականի հունվարի 20-ին ժամը 14<sup>00</sup>-ին:

Քննարկմանը մասնակցել են Արմավիրի մարզպետարանից փոխմարզպետ Սովսես Քարդաշյանը, համայնքի միջնակարգ դպրոցի տնօրենը, բուժ ամբուլատորիայի տնօրենը և աշխատակիցները, ավագանու անդամները, մանկապարտեզի տնօրենը, համայնքի ղեկավարի աշխատակազմի աշխատողները և համայնքի բնակիչներ:

2013 թվականի երկրորդ կիսամյակի ընթացքում համայնքում կատարվել են ներքոնշյալ աշխատանքները՝

Անցկացվել է Համայնքի ավագանու 6 նիստ, որոնց ժամանակ քննարկվել են համայնքում կարևոր լուծում պահանջող հարցեր, իսկ ավագանու որոշումները փակցված են համայնքում՝ գյուղապետարանի շենքում՝ բնակիչների համար տեսանելի տեղում:

Պատշաճ ձևով կազմակերպվել և իրականացվել է հացահատիկի բերքահավաքը:

Խճապատվել են համայնքի մի շարք փողոցներ:

Համայնքում նորմալ սանիտարական վիճակի ապահովման համար շաբաթական երկու անգամ աղբահավաք տրանսպորտային միջոցով կատարվում է աղբահավաքման աշխատանքներ:

Համայնքի բյուջեի միջոցներով հուլիս –նոյեմբեր ամիսներին իր աշխատանքներն է սկսել և ավարտել Համայնքի «Գառնիկ Կարապետյանի անվան մանկապարտեզ» ՀՈԱԿ-ը, որտեղ հաճախել են համայնքի շուրջ 53 երեխաներ:

Համայնքի միջնակարգ դպրոցի և մանկապարտեզի սաներին Երևան տեղափոխելու և ետ բերելու համար համայնքի բյուջեի միջոցներով տրամադրվել ավտոբուսներ:

Ժամանակին վճարվել է Գյուղապետարանի և Մանկապարտեզի աշխատողների աշխատավարձը և սոց. վճարները:

Համայնքի բնակիչ մեկ գորակոչիկի էջմիածնի ավտոդպրոցում սովորելու համար՝ անվճար երթևեկություն ապահովելու նպատակով հատկացվել է 20.000 դրամ:

Կազմակերպվել է միջոցառում՝ նվիրված Ամանորին:

Սեպտեմբեր – դեկտեմբեր ամիսներին իր աշխատանքներն է կազմակերպել Համայնքի գրադարանը:

Համայնքի բյուջեի միջոցներով մշակույթի տան երկրորդ հարկում մասնակի տեղադրվել են պատուհաններ:

Համայնքի տարածքում ազգաբնակչության աճը խթանելու նպատակով խրախուսվել են համայնքի երիտասարդ ընտանիքները և շուրջ 20 ընտանիք ստացել է 50000-ական դրամ գումար:

Համայնքի բնակիչների հուղարկավորության ժամանակ որպես հարգանքի տուրք գյուղապետարանի կողմից առաքվել են ծաղկեպսակներ:

Համայնքի վարչական բյուջեի միջոցներից հատկացվել է սոցիալական օգնություն՝ համայնքի անապահով բնակիչներին, Արցախյան ազատամարտի մասնակիցներին, Արցախյան ազատամարտում զոհվածների ընտանիքներին:

Այս ժամանակահատվածում կազմակերպվել է քաղաքացիների ընդունելություններ, պատասխանվել է նրանց բոլոր հարցերին, դիմումներին և տրամադրվել է պահանջվող փաստաթղթերը:

Տեղի ունեցավ քննարկում, որի ժամանակ բարձրացվեցին հետևյալ հիմնախնդիրները՝

Համայնքում առկա խնդիրներն են

Հիմնովին վերանորոգման կարիք ունի Մշակույթի տան երկրորդ և երրորդ հարկերն ու տանիքը:

Անմխիթար վիճակում է գտնվում խմելու ջրի ցանցը՝ ջրատար խողովակները ամբողջությամբ վնասված են:

Անհրաժեշտ է ավարտին հասցնել գյուղի մնացած փողոցների խճապատումը:


Պետք է շարունակվի ու ավարտին հասցվի դպրոցի ներքին հարդարման աշխատանքները:

Հիմնովին վերանորոգման կարիք ունի գյուղի Ծանրամարտի մարզադպրոցը:

Կարևոր նշանակություն ունի համայնքի Բուժ ամբուլատորիայի համար շտապ օգնության մեքենայի առկայությունը, քանի որ այն սպասարկում է 4 համայնք:

Անմխիթար վիճակում է գտնվում համայնք սնուցող էլեկտրական ցանցը, անջատումներն տեղի են ունենում շատ հաճախակի՝ կապված լարերի անպիտանիության հետ:

Գեղակերտ համայնքի ղեկավար



Ս. Առաքելյան

20.01.2014թ